


# S P H A E R A PETRI CATENA.

2



Pauli, Laurentius Pasq. excudebat. 1573. m. oct.

# ASTRONOMIÆ

tractatus, in quo de motu primi  
mobilis agitur, & in primis quid  
sit instrumentum, quæ Sphæra est.  
quibus & quot circulis ipsa deli-  
neari intelligatur: & id cui appli-  
catur. subinde quid ortus sit, quia  
ut occasus signorum, quibus dierum  
inequalitas, ac noctium, in diuer-  
sis climatibus, & parallelis agno-  
scitur, quid tandem eclypsis Luna  
sit, quantum patitur compendium  
declarabitur.

# CONSTANTINO

## ET FERRATRIBVS

Polvveyller & Vveyllerthal  
totius Alemanix Nobilif-  
simis Báronibus.

### PETRVS CATENA.




Nicolaus Baro Polvveyller  
et Vveyllerthal Princeps  
& inter Alemanorum fa-  
milias Illustrissimus cum  
ex præcepto Catholicæ Re-  
giæ Maiestatis pro Reipublicæ Christiana  
amplitudine & cōseruatione Dux exerci-  
tus quinque millia fortissimorum Alema-  
norum peditum, in Flandriam missus es-  
set, ut alter Pompeus p̄ Romana Repub.  
in hostes, Te Constantinum, Georgiū, &  
Radulphum charissimos filios, in Italiam  
illustrandā miserit, ut inde & bonas artes  
quas liberales uocāt, & prudentiam quæ  
cætera omnia moderatur deportaretis, si-  
cut in altero tamquam Socrati in altero ut



Catoni maiori uobis filiis carissimis gra-  
tularetur. Cum autem superioribus die-  
bus uos Excellentissimus Iurisprudentiæ  
Doctor D. Ioannes Hiltebandus Mœcche-  
rus ad ædes nostras adduxerit, ibiq; multa  
de Euclydis Geometria & Arithmetica;  
multaq; de Ptolamei Astronomia & Geo-  
graphia, quæ non nisi à liberis animis ap-  
prehenduntur perce pissetis, quæ res Ma-  
thematicæ non modo Reipublicæ littera-  
riæ, sed & ciuili momentum habent maxi-  
mum ad quas capescendas cum uos prom-  
ptitudine animi paratos (quod paucis con-  
tingit) cognouerim, hunc nostrū tractatū  
de Sphœra tibi Illustri Constantino & fra-  
tribus dicare uolui, quē si gratum fore co-  
gnouero, alia maioris momenti ad milita-  
rem artem parata manum apponam. In-  
terim me ama, ut boni animi tui est. Vale-  
te.

# DEFINITIO SPHÆRÆ

quod astronomicum in-  
strumentum est.



**S**PHÆRA est solidum ro-  
tundū vna superficie con-  
tentum, in cuius medio  
pūctus est, à quo ad super-  
ficiem omnes rectæ lineæ  
ductæ, sunt æquales; quod  
stante diametro à semicirculo circumducto  
eo vsque, quo ad locum, vnde discessit, re-  
deat, describi intelligitur; circulis se inui-  
cem secantibus, contingentibus, & pa-  
rallelis affectum, cuius beneficio, deueni-  
tur in cognitionem cœlestis motus. Pun-  
ctus ille medius, centrū sphæræ dicitur. A-  
xis sphæræ, est linea recta à puncto superfi-  
ciei per centrum ducta, vsq; in alterum su-  
perficiei punctum, circa quem voluitur  
sphæra. Poli sphæræ sunt termini axis  
sphæræ.

## Mundi Diuisio,

**V**Niuerſalis mundi machina biſariam diuiditur per ſubſtantiam & accidēs ſecundū ſubſtātiā in ſphæras duas, æthereā ſcilicet, & elementarē. Elementaris quidē alterationi ſubiecta, in quatuor diuiditur Elementa, terram, aquam, aerē, & ignē: Terra enim, eſt tamquā mundi cētrum, in medio elementorum ſita, vndique ſua ponderoſitate cælōrū motum fugiens, rotundæ ſphære ſimul cum aqua medium poſidet, circūdatur vtraq; ab aere, circa quē ignis omnis coloris expers, orbem lunæ attingens: ſic Deus ſublimis plenus gloria ſuo artificio ea diſpoſuit elemēta. eſt enim elementum corpus naturale ſimplex, cui, & vnicuiq; eius parti, quæ aſſimilaris, uel homogenea dicitur, eademmet definitio cōuenit: partes extremæ elementorum, à ſe inuicem alterantur, & corrumpuntur, atque regenerantur, ex quorū mixtione, fiunt mixta diuerſa ſpecie. circa hāc elemētarem ſphæram, ætherea ſphæra eſt, lucida,



ab omni uariatione, sua immutabili essen-  
tia, semper eadem existēs, motu continuo  
circulariter incedit: & hæc à Philosophis  
quinta essentia nuncupatur, cuius decem



sunt sphaeræ, quarum quælibet à superiori  
circūdatur, vltima vero locatur p̄ concauū  
à conuexo nonæ, cuius motus est ab orien

re in occidentē, iterum in orientē rediens,  
 semper tēpore hor. 24. sup axem mundi,  
 cuius extremitates, sunt poli mundi, alter  
 septentrionalis, reliquus australis. quo mo-  
 tu, oēs inferiores sphæræ rapiuntur eodem  
 tempore. Est & alius inferiorum sphærarū  
 motus proprius super suos axes, quorum  
 poli, à polis primi mobilis (vt poli axis no-  
 næ) distant g. 23. m. 51. fere ab occidente per  
 obliquum in orientem, rediens iterum in  
 occidentem in diuersis temporibus: vt no-  
 na sphæra in quadraginta nouem millibus  
 annorū, octaua suo peculiari motu, in an-  
 nis septem millibus, Saturnus in triginta  
 Iuppiter in duodecim, Mars ī duobus, Sol  
 in 365. diebus ho. 5. m. 55. secundi. 11. tertiis  
 59. quartis 59. quæ pro sex horis ferè sum-  
 mūtur. Eccentricus orbis Veneris, & Eccē-  
 tricus orbis Mercurii similiter in totidē si-  
 cut Sol. Lunæ vero Eccentricus in 27. die-  
 bus & ho. 8. ferè. Secundum uero accidens  
 diuiditur vniuersalis mundi machina, in  
 sphæram rectam, & obliquam. His. n. sphæ-  
 ra recta est, qui sub æquinoctiali habitant,



& dicitur recta à recto orizōte. Illis autem obliqua sphaera est, qui incolunt patrias ci- tra, vel vltra æquinoctialem, & dicitur obli- qua ab obliquo orizonte: de quo recto, & obliquo orizonte, secūdo libro fufius dice- tur.

Coelum primum, quod decimū est ,  
ab oriente in occidentem mo-  
uetur circulariter.

**S** Tellæ, quæ oriuntur, ex parte orientis Seleuantur ab orizonte paulatim, quo vsque in medium Cœli veniant, & sunt semper in æquali distantia, à se inuicem: & à medio Cœli in occasum vniformi distan- tia tendunt continnè, iterum in eundem fere pūctum Cœli, vnde discesserant rede- untes. Stellæ uero quæ sunt iuxta polum arcticum, quæ nunquam oriuntur habitan- tibus septentrionem, neque norunt occa- sum, mouentur continue, semper uno mo- do circa polū, describēdo singulos fere cir- culos, & sunt semper in eadem appropin- quatione adinuicem: vnde per istas duas

stellarum apparentias, tam tendentium in  
occasum, quàm non : patet primum mo-  
bile moueri ab oriente in occidentem.

Coelum est rotundum.

**P**lcherrima creatura visibilis, qđ Cœ-  
lum est, facta est ad similitudinem sui  
archetypi, in quo principiū non est, neque  
finis, seu in quo principium & finis in idē  
recidunt. Coelum igitur huiusmodi figuræ  
esse operæprecium existimandum est: Præ-  
terea, commoditas concludit, quòd Cœlū  
primum sit rotundum: omnium enim cor-  
porum Isoperimetricorum sphaera maximū  
est quia omnium etiam formarum planarū  
rotunda est capacissima, quoniam igitur  
maximum, & rotundum, igitur capacissi-  
mum. vnde cum mūdus omnia contineat;  
talis forma fuit illi utilis commoda, & ne-  
cessaria: Præterea si mundus esset alterius  
figuræ ex parte conuexa, quam rotundæ,  
scilicet trilateræ, uel quadrilateræ, seque-  
retur alterum duorum inconuenientium,

nempe quòd aliquis locus esset uacuus;  
uel etiam corpus naturale sine loco esset,



quorum utrumlibet  
falsū est: id autē ma-  
nifestū est, in angu-  
lis ipsius corporis nō  
sphærici, moti circu-  
lariter. Præterea ne-  
cessariò si Cœlum es-  
set corpus planis su-  
perficiebus conten-

tum, pars illa Cœli, media inter angulos  
orientis & occidentis, quando esset supra  
caput nostrum, tunc esset propinquior no-  
bis, quàm pars angularis Cœli versus ori-  
entem, vel occidentem: & tunc sol vel quæ-  
cunque alia stella, dum esset in illa parte  
media Cœli, videretur maior, quàm in  
parte angulari orientali, vel occidentali :  
sed ita nō est, quia semper sol in medio diei  
videtur minor (semota caligine) quàm ui-  
deatur in oriente vel occidente. non tamē  
propter hoc pars illa orientalis, uel occidē-  
talis est propinquior nobis, quàm sit pars



illa, quæ medium Cœli possidet. causa enim huius apparentiæ est: quòd tempore matutino, & vespertino, vapores quidam humidi & crassi eleuantur à radiis solaribus, obliquè super terrā misis, in quibus vaporibus, & aere nubilo radii illi densantur, & protensi versus nostrum aspectum in aere puriori franguntur à perpendiculari, & dilatantur sic, vt sol vel alia stella videatur sub maiori quantitate, quàm quando in medio Cœli est, vbi non franguntur radii ex aere nubilo in puriorem. idem apparet de piscibus in aqua natantibus, quòd maiores sint, quàm extra aquam. idem etiam manifestū est de vltra nubes positis, & etiā de numismate in pelui aqua pleno.

Terra secundum extremas  
partes rotunda est.

**S**Tellæ non eodem tempore emergunt supra orizontem, singulis vbiq; habitantibus, sed prius oriuntur & occidunt plagam orientalem habitantibus, vt Catiga-

ris, quàm Tamalitibus iuxta gangem (tab. x. Asiæ) huius autem causa est Terræ tumor id autem colligitur per ea, quæ in sublimi fiunt: initium enim eiusdem eclypsis obseruatum fuit Arbellæ (tab. 5. Asiæ) ho. 5. noctis, & Carthagine (tab. 2. Affricæ) ho. 2. huius autem causa est diuersitas orizontis, quæ prouenit ex terræ tumore. Præterea à borea in austrum, pariter rotunda est: Septentrionalibus enim, stellæ quædam sunt sempiternæ apparitionis, vt maioris, & minoris vrsæ; Aliæ uerò stellæ, iisdem hominibus sunt sempiternæ oculurationis, quæ sunt propinquæ polo antarctico: si quis igitur à borea in austrum procederet, stellæ perpetuò ab illo perspectæ, iam in occasum tenderent, & austrinæ stellæ quæ illi perpetuò occultæ prius erant, in suum conspectum emergerent: simile contingeret alicui procedenti ab austro uersus boream, huius autem causa, alia nulla est, præterquàm tumor terræ. Præterea, si terra plana esset ab oriente in occidentem, non tardius, neque citius, eclypsis aliqua, vel alia

sublimis impressio, ut crīnita stella videretur Alexandria (t. 3. Africæ) quàm Venetijs (tab. 6. Europæ) sed eadem hora etiam Venetiis videretur, quod falsū est manifestè. Præterea, si à septentrione in austrum plana esset, stellæ, quæ septentrionalibus sunt sempiternæ apparitionis, semper ab iisdem cōspicerentur, quātuncunq; versus austrū tenderent. simile contingeret ab austro, ad boream procedenti. Plana tamen nobis apparet ob nimiam eius molem. Præterea, graue vniforme æqualiter vndique fugiens motum circularem, rotundæ sphaeræ speciē possidet: terra autem, cū sit corpus homogeneum, & Cœlum sit rotūdum, & circulariter motum circa ipsam, sequitur terram rotundam esse.

Aqua secundum extremas partes  
rotunda est.

**E**Xistens quis in naui, iuxta pedē mali, videat aliquod signum in littore maris positum, si uero post nauiis à portu exi-





uerit, eiusdem oculus, non poterit amplius  
 signum illud uidere, nisi à pede mali ru-  
 dentes, aut caueam ascenderit, & tunc de  
 rudentibus, & de cauea signum illud ui-  
 dere poterit, exclusis omnibus impedimē-  
 tis præter aquæ tumorem, melius tamen  
 deberet uidere signum illud. de pede ma-  
 li p̄spiciēs, quàm de cauea, cū illinc ad  
 signum quàm breuior, hinc uerò longior  
 linea sit, hoc autem contingit ob rotundū

tumo-

tumorem aquæ : Præterea, cum aqua sit corpus homogeneum; partes eiusdem sunt assimilares, & eiusdem rationis, atque affectionis cum toto, partes autem aquæ dummodo non impeditæ sint artificio, formam rotundam possident, ut rores, & guttulæ ex asperginibus; igitur & tota aqua, cuius illæ partes sunt, rotunda & sphaerica est, secundum suas extremas partes.

Terra est in medio Coeli &  
elementorum sita.

**S**tellæ apparent eiusdem magnitudinis eadem, conspicienti, & in eadem dispositione oculo, & aere permanente, seu Thyle, tab. 1. Eur. uel in Agisimba, apud montem Lunæ tab. 4. Afr. aut saratæ iuxta sinas, tab. xi. asiæ, vel propè fretum herculeum, tab. 1. Eur. quis eas intuebitur: signum igitur est, quod stellæ æqualiter distant ab illo: in medio igitur est terra, cum Cælum, & terra rotunda sit. Præterea, si terra magis accederet ad firmamentum vel ad primum mobile

le ex una partē, sequeretur quòd existens in illa parte terræ, quæ magis ad Cœlum appropinquaret, non uideret medietatem, sed minus medietate Cœli, & alter qui est antipes illi, uideret vltra medietatem Cœli, sed hoc est cōtra Prolamæum, & omnes recte philosophantes, ex sententia enim omnium, & ratione demonstratū est, quod ubicunque existat homo, mediū Cœli, ei apparet, & altera medietas sibi occultatur.

Terra est parvæ molis, & tam quàm pūctus respectu primi mobilis.

**M**Edium Cœli semper uidetur, ob id terra est tam quàm punctus, respectu primi mobilis, si enim respectu primi mobilis, terra esset alicuius quantitatis, nō contingeret, ut quisquam medietatē Cœli uideret vnquam, sed semper minus medietate Cœli conspiceret, quod asserendū non est. Præterea si quis imagineatur terram scindi à superficie plana transeunte per eiusdem terræ centrum & diuident eam, &



firmamentum in duo æqualia; oculus, qui in centro terræ esset, uideret Cœli medietatem, & stellam in orizonte, & idem oculus, si à centro in superficiem terræ transferatur, videbit eandem cœli medietatem, & eandem stellam in orizōte, quam prius uiderat in centro existens: signum igitur est, quòd à centro ad superficiem terræ, parua est distantia, cum eadem Cœli medietas, & in centro, & in superficie videatur. Præterea Alphragano asserente, terra est duodécima pars stellæ notabilis magnitudinis, sed talis stella respectu Cœli octaui, est tam quàm punctus; igitur terra minor puncto existimabitur: longe igitur minor intelligi debet respectu noni, atque decimi mobilis. Relinquitur, igitur terram esse tam quàm punctum, respectu primi mobilis.

**Terra immobilis est.**

**O**Mne graue vni forme, æqualiter fugit motum, cum autem terra, inter ele-

menta sit summe grauis, ex omni parte æqualiter fugit motum, tum ex parte orientis, occidentis, septentrionis, vel etiam austri: non mouetur igitur ad aliquem istorum situum. Præterea quicquid à medio quacua versus mouetur, ascendit, si igitur terra ad aliquam mundi plagam moueatur, ascendit, quod impossibile est, ut graue natura sua ascendat, vel sursum stet. Præterea, si terra moueretur circulariter, sentiremus semper auram, quam nullus quiescens vnquam sensit, nullo vento flante: terra igitur immobilis est. Præterea proiectile & volatile nunquam possent ante uoueri, sed semper retro manerent.

*De terræ ambitu & crassitie.*

**M**Acrobis, & Eratosthenes Philosophorum non minimi, id ita diffiniunt unicuique; Cœlesti gradui septingenta stadia in terra deputando, ut totus ambitus sit stadiorum 252000. sed Prolamæus primo Geographiæ, supputat stadia 180000. unicuique;

gradui Cœlesti in terra correspondens spacium, facit quingenta stadia. Ars autem, qua hoc sciri potest, talis est, sumpta armilla, Astrolabio, vel quadrante in stellatæ noctis claritate, inueniatur altitudo poli arctici, mediante stella polari conspecta per vtrumq; mediclinii foramen, & notetur in dorso Astrolabii graduum multitudo, super quam steterit linea fiduciæ, secundum cuius obtutum polus perspicitur, deinde procedat cosmimetra directe versus boream, et eodem modo inueniatur poli altitudo, ut prius, altior tamen priore altitudine vno gradu, postea diueriatur spacium terrestre, inter hæc duo loca, & inuenientur secundum priores Philosophos stadia 700. sed secundum Ptolamæum stadia 500. cum autem Cœlum sit vniforme & sphericum similiter & terra, spherica sit in medio, datis 500. stadiis vnicuiq; trecentorum sexaginta graduum Cœlestium, terreni orbis ambitus inuentus erit, stadiorum 180000. Diameter verò terræ sic inuenitur secundum supputationem Ptolamæi auferatur vige-



ſima ſecūda pars de toto circuitu terræ, vide  
licet  $8181\frac{9}{11}$  & remanētis videlicet  $171818\frac{2}{11}$   
tertia pars, erit diametri longitudo, ſtadio-  
rum nempe  $57272\frac{8}{11}$

## LIBER SECVNDVS

### de Circulis.

**C**irculi quibus ſphæra materialis pin-  
gitur, ſeu lineatur, ſunt vndecim : hi  
enim bipartiantur ſecundum magnitudi-  
nem, aliqui enim ſunt maiores, quidā verò  
minores ſunt, maior quidē circulus ſphæ-  
ræ is eſt, qui in ſup̄ficie ſphææ deſcriptus,  
diuidit ipſam ſphærā in duas æquales par-  
tes, & eius plana ſuperficies tranſit per cen-  
trum ſphææ, minor autem circulus in ſu-  
perficie ſphææ deſcriptus nō diuidit ſphæ-  
ram bifariam, ſed in partes inæquales; & e-  
ius plana ſuperficies non trāſi per centrū  
ſphææ.

Equinoctialis, est circulus maior, cuius  
periphœria, æqualiter distat ab  
utroque polo mundi.

**A** Equinoctialis circulus describitur à  
puncto extremo quartæ partis peri-  
phœriæ maioris circuli circumductæ, stãte  
altera extremitate in polo mundi, hic qui-  
dem circulus, ob id æquinoctialis dicitur,  
quia quando solis centrum est sub illo, qđ  
bis in anno contingit circa initium Arietis  
& libræ primi mobilis, quãdo uidelicet sol  
est in sectione eclypticæ octauæ orbis cum  
æquatore ad partem Arietis in uere, & in al-  
tera sectiõe eiusdem eclypticæ octauæ cum  
æquatore ex parte libræ in autumnō, Tũc  
enim noctes sunt æquales diebus sibi con-  
tinuis in omni loco terræ habitabilis & ob  
id, dicitur etiam æquatuar diei & noctis,  
quia adæquat diem artificialem ( qui est ab  
ortu solis vsq; in eius occasum ) nocti sibi  
continuæ, & est cingulum primi mobilis,  
idest decimi orbis, quia ipsum per medium  
diuidit, secũdum omnes suas partes æqua-

litter distans ab utroq; polo primi mobilis, cuius motus, est ab oriēte in occasum, iterum in orientem rediens, ad similitudinem motus rationalis, qui est in homine, quādo à consideratione creatoris inepte rapitur in creaturas, ex quarum consideratione in creatorem statim redit. Secundus motus autē est sphærarum inferiorum, ut est motus nonæ sphæræ, huic primo oppositus, p obliquum ab occidente in orientem, iterū in occidentem rediens, qui motus irrationalis dicitur, ad similitudinem hominis irrationalis, qui à creatura mundi in creatorem ductus, in creaturam iterum rediens à tenebrosa quidem parte in lucidam deductus, in tenebras iterum redit. Polorū cœli alter septentrionalis, arcticus, vel etiam borealis dicitur: septentrionalis quidem, à minori vrsa, quæ dicitur à septem & trion, qui est bos, quia septem Stellæ, quæ in illa Cœlesti imagine sunt, mouētur tarde ad instar motus bouis, qui tardus est: sunt enim ppinque polo, & spacio horarum 24. paruos circulos describunt, vel etiam dicuntur il-



læ Stellæ septem teriones, eo quod terunt  
 partes illas Cœli, propinquas ipsi polo, uel  
 terreunt tam quàm custodes alias mundi  
 partes: Arcticus quidē dicitur ab ἀρκτος, quæ  
 est ursa, est enim iuxta maiorem uisam: bo-  
 realis, quia ab illa parte poli flat boreas vē-  
 rus ad nos. Alter autem polus oppositus  
 huic, dicitur antarcticus, quia è regione ip-  
 si arctico opponitur, meridionalis etiā no-  
 minatur, quia ex illa parte Cœli est in qua  
 Sol meridiem constituit, cum meridianum  
 adierit, dicitur & hic polus austrinus, ex eo  
 quòd inde, ad nos auster ventus spirat: ista  
 igitur duo pūcta naturalia in primo mobi-  
 li stabilia, dicuntur mūdi cardines, seu po-  
 li, quorum alter nobis semper sublimis su-  
 pra orizontem, alter verò semper existit  
 ocultus sub orizonte, de utroquē inquit  
 Vergilius in Georgicorum primo.

*Hic uertex nobis semper sublimis, at illum,  
 Sub pedibus styx atra uidet, manesq; profundi.*

Zodiacus circulus est, cuius axis secat axē  
 primi mobilis in centro mūdi, & po-  
 li eius axis distant à polis mun-  
 di immutabili & inuariabi-  
 li distātia, ut puta 23.  
 gradibus m. 51. fere.

**H**Æc Zodiaci descriptio conuenit Zo-  
 diacis imaginatis in primo, atque se-  
 cundo mobili, de Zodiaco autem octauæ  
 sphæræ dicetur. in theoricis planetarū cir-  
 culus autem qui per medium signiferi du-  
 citur in primo mobili seccatur semper ab  
 æquatore in capite Arietis & Libræ p.m. nō  
 sic Zodiacus nonæ & octauæ secantur ab  
 æquatore, in iisdē punctis, vt in theoricis  
 manifestū erit, Zodiacus ipse seccat æqua-  
 torem in duas æquales partes, & altera me-  
 dietas declinat ab æquatore versus septen-  
 trionem, reliqua verò versus austrum dici-  
 tur autem Zodiacus à ζωνῇ, quæ uita est,  
 eo quòd secundum motum planetarum  
 sub illo, est omnis uita in rebus inferiorib.  
 uel dicitur à ζῶντι, quod est animal: diui-  
 ditur enim is circulus in duodenas æqua-

les partes, quarum quælibet nomen habet  
ab aliquo speciali animali, propter situm  
stellarum, & earum dispositionem ad simi-  
litudinem huiusmodi animalis, vel melius  
propter quandam proprietatem stellarum  
similem alicui proprietati cuiusdā anima-  
lis terrestris, vel aquei. Hic quidem latine  
signifer, quia signa fert, appellatur, in quæ di-  
uiditur, & partitur: dicitur etiam ab Aristote-  
le circulus obliquus in libris de genera-  
tione: obliquè enim cadit super æquino-  
ctialem, quo in loco dicit Aristoteles, quod  
per accessum ad Zenith & recessum solis à  
Zenith sub circulo obliquo fiunt genera-  
tiones, & corruptiones in rebus his infe-  
rioribus. Signorum autem numerus & or-  
do, atque nomina his patent uersibus,  
*Sūt Aries Taurus Gemini Cácer Leo Virgo: Libraq;,  
Scorpius Arcitenens Caper Amphora Pisces.*  
Horum signorum quodlibet, partitur in  
triginta gradus, quilibet gradus in sexaginta  
minuta, quodlibet minutū in sexaginta  
secunda, & quodlibet secundum in sexa-  
ginta tertia & sic deinceps per quarta & quin-




ra, usque ad decima: & ultra ad placitum ;  
eademmet partitio fit, de vnoquoque cir-  
culo sphæræ, siue maior siue minor sit. Zo-  
diacus circulus non tantum pro periphœ-  
ria, sicut alii omnes, cōcipitur, sed pro vna  
superficie vniformiter lata cuius latitudo  
est duodecim graduum, ad differentiam la-  
tæi circuli diformis latitudinis: Signū igi-  
tur, quodlibet 30. graduum est lōgitudinis,  
latitudinis verò 12. ita ut signum sit tetra-  
gonum altera parte longius. linea vna est  
diuidens Zodiacum secundum latitudinē,  
in duo æqualia, æqualiter distans à polis  
Zodiaci, & hæc 6. g. latitudinis ad boream,  
& 6. ad austrum relinquens; vtrumque tro-  
picum contingens, eclyptica nominatur,  
ab eclypsi lunari, quia quando Sol, atque  
Luna reperiuntur diametraliter & ex op-  
posito, sub illa; contingit eclypsis Lunæ in  
plenilunio. Pars illa Zodiaci, quæ declinat  
ab æquinoctiali versus septentrionem, se-  
ptentrionalis dicitur, borealis, & arctica: &  
signa sex, quæ in illa sunt, eādem denomi-  
nationem fortiuntur, reliqua verò medic-

tas, quæ ad austrum declinat; antarctica, australis, vel meridionalis dicitur: & illa sex signa in ea contenta iisdem nominibus appellantur. Et quia sæpe dicitur planetam esse in signo; est aduertendum, quod signum quatuor modis concipitur mente, in primis, signum est pars illa primi mobilis longa graduum 30. lata graduum 12. & profunda secundum solam crassitiem primi mobilis,



sic ut eius signi profunditas, non ingreditur nonam sphaeram, & sic quicquid continetur sub tali corpore primi mobilis, sic imaginatione quadam accepto, dicitur esse in signo;

hunc modo, in, præpositio, capiatur per hac præpositione, sub, siue contentum sub illo sit pars alicuius Coeli inferioris, in qua planeta sit, seu etiam pro elementi parte, in qua parillus, uel crinita stella, tunc sub illo signo, sic accepto reperitur. In secunda au-



tem significatione, signum est corpus pyramidale quinque superficiebus cōtentum cuius basis est signum in prima significatione acceptum, conus autem eius, seu vertex, est in centro terræ, la-

tera verò ipsius, sunt superficies triangulares, quarum bases sunt latera signi primo modo accepti, vel bases sunt lineæ terminantes latera signi prima significatione accepti: vertices autem triangulorum terminantur in cono pyramidis, circa centrum mundi, & hoc modo, quando planeta est in illo corpore, pprie dicitur esse in signo, & non sub signo. In alia autem significatione, quæ tertia est, signū sic imaginatur; lineentur sex circuli, quorum quilibet transeat per polos Zodiaci, primi mobilis, & vnusquisq; transeat per principium vnus signi primi mobilis in prima significatione accepti, & per principium alterius signi dia





metraliter oppositi. Pars igitur illa Zodiaci primi mobilis, quæ continetur inter duos semicirculos, lata in medio, & angustaversus polos, cuius longi-

tudo est lōgitudō signi primo modo capti, quæ est 30. graduum, latitudo autem est ab eclyptica versus vnum, aut alterum polū, profunditas autem eius est crassities primi mobilis, sic signum est tertia significatione captum: & sic stellæ etiam, quæ sunt iuxta polos extra Zodiaci latitudinē, dicuntur esse in signo aliquo, accipiendo similiter, in, pro sub, & unumquodquē signum in tertia significatione, nomen sortitur ab illo signo, accepto in prima significatione, quòd in medio eius est, interreceptum inter duos semicirculos. In quarta verò significatione, signum, corpus est, tribus superficiebus contentum, cuius basis,

est signum in tertia significacione, intellectum, vertex eius est super axem Zodiaci primi mobilis: reliquæ duæ superficies, quæ illud claudunt, habent bases curuas, quæ sunt semicirculi & termini signi, tertia significacione accepti, quicquid igitur in toto mundo est, continetur in aliquo signo, quarta significacione accepto.



Colurus est circulus in obliquo horizonte defectivus & mutilus.

**D**uo quidem sunt coluri, quorum uterque non totus, sed plus medietate eius, supra horizontem successive emergit in sphaera obliqua, reliqua eius minor pars semper occultatur sub horizonte. Alter alterum vicissim seccat super mundi polos ad angulos semper æquales, unus per po-

los Zodiaci primi mobilis transit, atq; per  
maximas declinationes eclipticæ primi  
mobilis ab æquatore, ut per principium  
canceri & per principium capricorni, quæ  
declinationes sunt semper inuariabiles, &  
ob id dicitur colurus distinguens solstitia,  
quia transit per puncta propinqua locis e-  
clipticæ pr.mo. in quibus fiunt solstitia  
& maxime solis declinationes, quæ varia-  
biles sunt, ut in Theoricis manifestabitur,  
solstitialis circulus is est, qui proxime ad  
nostrum zenith describitur a sole mundi  
circumactu, est autem zenith punctus in  
primo mobili directe supra verticem æqua-  
liter distans ab omni horizontis parte. Bru-  
malis uero circulus est, qui ultimo descri-  
bitur a sole rotatu primi mobilis uersus  
austrium, maxime distans a zenith habita-  
tionis. Alter autem collurus transit p prin-  
cipium Arietis & Libræ primi mobilis, quæ  
puncta cum sint propinqua his in quibus  
fiunt æquinoctia, alterum uernale prope  
arietem, reliquum hybernium prope librā  
primi mobilis, ideo illa puncta primi mo-  
bilis



bilis dicuntur puncta æquinoctia, & ille colurus, qui per illa puncta transit, dicitur colurus distinguens æquinoctia, de utroque coluro hæc carmina canunt.

*Hæc duo solstitia faciunt Cancer Capricornus,  
Sed noctes aquant Aries atque Libra diebus.*

Meridianus Circulus transit per polos mundi, & per Zenith loci.

**D**icitur autem hic circulus à meridie Meridianus, seu mediæ diei circulus, quia quando Sol per motum primi mobilis, ad illum circulum raptus fuerit, est meridianus illi ciuitati oppido aut loco habenti illū meridianum: Ciuitates autem, quæ habent diuersos meridianos, inæqualiter distant ab occidente, & longitudo illarum inter se est pars paralleli æquinoctiali, intercepti inter meridianos illarū ciuitatum, transeuntis per alteram illarum ciuitatum, quæ magis septentrionalis est: latitudo uerò illarū, inter se, est pars meridiani transeuntis per alteram illarum ciuitatum, intercepti inter

duos parallelos æquinoctiali, transeuntes per unam, & alteram illarum ciuitatum. Distantia uerò unius ab altera, est pars circuli magni, transeuntis per Zenith ytriulque ciuitatis, quæ comprehendit longitudinē & latitudinem simul: si uerò duæ ciuitates unum, & eundem meridianum habuerint, illæ æqualiter distant ab occidente, & nulla intercapedo est inter illas ciuitates secundum longitudinem, etsi una tantum distaret ab alia, quantum est à Thyle in Agisimbam: Meridianus autem circulus immobilis est propter immobilitatem zenith locorum.

Orizon est immobilis circulus, terminator visus, diuidens hemisphærium conspectum ab inconspecto.

**B**Ipartitur Orizon. Alter rectus (quem habet sub æquatore habitantes, quorum zenith in æquinoctiali est) transiens per polos mundi; qui secat æquinoctialem ad angulos semper pares, & æquales. Alter

obliquus est, qui seccat æquatorem ad angulos impares, & obliquos, & unus polus rû supra ipsum emergit, reliquus infra ipsum orizontem semper conditur. A recto orizonte, sphæra recta dicitur. Ab obliquo verò, sphæra obliqua nominatur. Illis enim, qui citra æquatorē, vel vltra habitant, semper alter polorum supra emergit; reliquus absconditur sub orizontē. Ex dictis manifestum est, eleuationem poli mundi supra orizontem tantam esse, quāta est distantia Zenith ab æquatore. Sumatur quarta pars coluri distinguētis solstitia, quæ est ab æquinoctiali, usque ad polum mundi; & alia quarta pars eiusdem coluri, quæ est à zenith, usque ad orizontem, cum zenith sit polus in medio orizontis; hæ duæ quartæ eiusdem coluri inter se sunt æquales: à quibus, si idem communis arcus dematur, qui est inter zenith, & polum mundi arcticum, residua æqualia remanebunt. eleuatio uidelicet poli mundi supra orizontem, & distantia zenith ab æquatore.



Minores circuli, qui in præfenti tractatu  
faciunt satis ad tyrunculos in astro-  
nomia, sunt quatuor, duo Tro-  
pici, & duo Arctici.

**T**Ropicus æstiuus, est parallelus æqui-  
noctiali, transiens per punctum ecly-  
pticæ octauæ orbis maxime distantem ab  
æquatore uersus arcticum polum, & est cir-  
ca initium cancri primi mobilis, descri-  
ptus à centro solis per motum primi mo-  
bilis. Hic quidem circulus contingit ecly-  
pticam in puncto illo maxime ab æquato-  
re distante, quem punctum, quum Sol p-  
prio incessu adierit; raptus à primo mobi-  
li, cum in spacio hora 24. describit. Et dici-  
tur à τροπή, quæ latinè conuersio est, quia  
Sol non ad septentrionem ultra progredi-  
tur uersus nostrum zenith, sed ad austrum  
conuertitur. Et quia transit per punctum  
dictum, vicinum cancri primi mobilis; tro-  
picus Cancræ dicitur. Solstitialis etiam nū-  
cupatur, quia Sol ad septentrionem pro-  
grediens usque ad illum locum; inde flecti-

*De circulis minoribus.* 33  
tur ad austrum, & quasi stare videtur, ut pila, quæ in terram iacitur.

Tropicus hyemalis, siue hybernus, seu circulus brumæ est parallelus æquinoctiali: qui describi intelligitur à Sole per motum primi mobilis, cùm accesserit Sol ad punctum eclipticæ octauæ orbis maxime ab æquatore distantem. & quia transit per punctum dictum uicinum capricorno primi mobilis, tropicus capricorni dicitur.

Circulus Arcticus est parallelus æquinoctiali & duobus tropicis: descriptus à polo zodiaci circa polum mundi arcticum per motum primi mobilis & inuariabilis est.

Circulus Antarticus est parallelus æquinoctiali, duobus tropicis, & arctico circulis, descriptus à polo zodiaci circa polum mundi antarcticum per motum primi mobilis. & inuariabilis est.

**M**axima distantia Solis ab æquatore, quæ declinatio Solis dicitur, uariabilis est, & est tanta, quanta est distantia poli zodiaci, à polo mundi. Sumatur quarta pars coluri distinguentis solstitia, quæ est ab æquinoctiali, usque ad polum mundi arcticū, & quarta eiusdem coluri quæ est à puncto eclipticæ octauæ maxime ab æquatore distante, usque ad polum eclipticæ octauæ orbis, quæ dictæ quartæ, quū participēt communem arcum, quī est à puncto illo maxime distante ab æquatore circa initium cancri primi mobilis, usque ad polū mundi, si ab utraque quarta dematur communis ille arcus; remanentia æqualia erūt: distantia uidelicet maxima Solis ab æquatore, & distantia poli zodiaci octauæ orbis à polo mundi.

**D**istantia solstitialis circuli ab Arctico circulo uariabilis est propter motum octauæ orbis, secūdū tamē supputationem Ptolamei est g. 42. m. 18. per ea, quæ dicta sunt a Ptolameo, ab æquinoctiali enim circulo ad tropicum sunt g. 23. m. 51. & totidē



ab arctico circulo, usque ad polum mundi:  
quæ duo simul aggregata faciunt g. 47. m.  
42. quæ si de quarta circuli, quæ est ab æ-  
quatore, usque ad polum mundi, demantur;  
remanentes gradus, erunt g. 42. m. 18. longe  
plus, quam sit maxima Solis declinatio, &  
minus eius duplo.

Zonæ celi sunt quinque, vna media, duæ  
extremæ, & duæ aliæ inter mediam,  
& duas extremas, quæ in cælo,  
sic imaginantur.

**P**Rima extrema clauditur Arctico circu-  
lo. Reliqua extrema clauditur Antar-  
ctico circulo. Media continetur inter duos  
Tropicos. Duarum reliquarum vna arcti-  
co, & tropico æstiuo terminatur, reliqua  
tropico hyberno & antarctico circulo. de  
quibus Verg. Georgicorum. l. ita cecinit.  
*Quinq; tenent Cælum Zonæ, quarum una corusco,  
Semper sole rubens, & torrida semper ab igni:  
Quam circum extremæ dextra, leuæq; trahuntur  
Cæruleæ, & glacie concretæ, atque imbribus atris.  
Has inter, mediamq; duæ mortalibus ægris*

*Munere concessæ diuum. & uia secta per ambas,  
Obliquus qua se signorum uerteret ordo.*

In terra plagæ illis Cœlestibus Zonis sup-  
positæ sunt. de quibus Ouidius primo Me-  
ta. libro, sic cecinit,

*Sic onus inclusum numero distinxit eodem*

*Cura dei, totidemq; plagæ tellure premuntur*

*Quarum quæ media est, non est habitabilis æstu.*

*Nix tegit alta duas totidem inter utranq; locauit,*

*Temperiemq; dedit, mixta cum frigore flamma.*

**T**Errestris illa plaga, quæ sub ea cœli  
Zona est, quæ tropicis terminatur,  
quæ & torrida dicitur; inhabitabilis, olim,  
ob decursum continuum solis super illam,  
existimata est. Secus autem, nunc ut sentia-  
mus, & experientia & ratio ipsa effecit. Qd  
ex motu octauæ orbis ita esse, in theoricis  
demonstrabitur. Duæ extremæ, Arctica, &  
Antarctica inhabitabiles pariter ab Anti-  
quis iudicatæ sunt, ob Solis radios ad illas  
nimis obliquè missos. Sed torridam, & Ar-  
cticam, hac nostra tempestate Anno vide-  
licet à Natiuitate Iesu Christi Saluatoris  
nostri 1570. habitari dubio procul compe-  
rimus. in causa est octauæ sphaeræ motus.

Duæ aliæ, quæ inter extremas duas, & mediam continentur, habitabiles sunt, & temperatæ ob caliditatem torridæ, & frigiditatem zonarum extremarum: vel etiam ex temperamento radiorum solarium & aliarum stellarum fixarum super illas.

### LIBER TERTIVS.

De ortu & occasu signorum.

**O**rtus signorum primi mobilis, atque occasus in duo membra partitur. Alter horizontalis est, reliquus solaris. Horizontalis, est eleuatio signi super horizontem cū parte æquatoris. Qui ortus bifariam diuiditur, in cosmicum, & achronicum, ut in diurnum & nocturnum. Solaris autem insecabilis est, & vnicus. Poetæ omnibus his tribus vtuntur. Cosmographus non nisi cosmico, qui & mundanus, & quotidianus dicitur. Horizontalis cosmicus ortus, est eleuatio signi sideris, vel eclypticæ partis de die artificiali supra horizontem, cum parte æquatoris simul cum illo signo, sidere, uel eclyptica ascendente: & si de nocte id con-



tingat; ortus acronicus q̄ & nocturnus dicitur. Descensus aut̄ oppositi signi sub orizonte de die artificiali, dicitur occasus cosmicus, de nocte verò, achronicus seu nocturnus occasus appellatur. Et quanquam in qualibet die, magna, vel breui, sex signa sēper oriantur, attamen signū illud, sub quo Sol mane oritur, dicitur per excellentiam oriri cosmicè. de hoc ortu Verg. primo lib. Georg. ubi fabarū sationem docet, cecinit.

*Candidus auratis aperit cum cornibus annum.*

*Taurus*

De occasu verò cosmico eodem Georg. primo sic ait, ubi sationem frumenti in fine autumnī indicat, Sole existente in Scorpione, qui cū oriatur mane cum Sole; Taurus, in quo sunt pleiades, oppositus Scorpionī occidit.

*Ante tibi eæ Atlantides abscondantur.*

*Debita quam sulcis committas semina.*

De ortu autem achronico seu nocturno Ouid. in lib. de ponto Epistola nona, ubi conquiritur de mora sui exilii dicit.

*Ut careo vobis scythicas detrusus in oras,*

Significans per quatuor Autumnos quatuor annos iam transisse, post quam in exilium fuerat missus: sed hinc dubitatio surgit, quia in Autunno dicit Verg. pleiadas occidere, Ouid: autem eo tempore eas oriri. sed nodus hic ita dissolvitur. Verg. loquitur de occasu cosmico, qui mane fit, Ouid. autem de ortu acronico seu nocturno qui fit uesperis post Solis occasum. Vterque enim ortus, atque occasus eadem die naturali (de qua in sequenti) contingit. Occasus autem achronicus aut nocturnus est descensus signi, uel sideris, aut partis eclypticæ, cum parte æquatoris sub orizontem post solis occasum. de quo Lucanus libro quarto ait.

*Nam Sol ledæa tenebat.*

*Sydera uicino cùm lux altissima Cancro est,  
Tunc nox thessalicas urgebat parua sagittas,*

Heliacus ortus, siue Solaris, est apparitio Cœlestis imaginis: vel Stellæ, per elongationem ipsius à Sole, uel Solis ab illa, ex parte orientis, aut occidentis; quæ prius, propter eius ad Solem uiciniam, videri nō

poterat: de quò ortu Ouid. lib. 2. fastorum  
sic ait.

*Iam levis obliqua succedit Aquarius urna.*

*Proximus Aethereos suscipe piscis equos.*

Et Verg. de eodem ortu Georg. 1.

*Gnosiaq; ardentis decedat Stella corona.*

Quæ gnoscia Stella fulgentis coronæ iux-  
ta Scorpionem existens non uidebatur, cū  
Sol sub Scorpione signo discurrebat. Oc-  
casus Heliacus, est disparitio stellæ uel sy-  
deris propter appropinquationem illius ad  
solem, uel solis ad illud, quod prius uide-  
batur ex parte orientis, vel occidentis, sed  
tunc desinit, ob nimium Solis lumen, vi-  
deri amplius. De hoc occasu loquitur Ver-  
gilius in illo Georg. 1.

*Et aduerso cedens canis occidit astro.*

De horizontali, ortu, & occasu signorum.

**I**N Sphæra recta, pariter & obliqua, æqua-  
lis arcus æquinoctialis semper æquali in  
tempore ascendit supra horizontem, ut in  
vnaquaque hora vulgari, g. 15. motus enim



primi mobilis vniformis velocitatis est, & angulus, quem facit æquinoctialis cum oriente obliquo, non diuersificatur in aliquibus temporibus, neque in recta, neque in obliqua sphæra. Eclyptica autem non habet æquales ascensiones æquali in tempore, neque in recta neq; in obliqua Sphæra. Probatio autem huius est, quia sex signa oriuntur, & sex signa occidūt in vnaquaq; die artificiali magna, uel breui; & angulus ille in obliqua sphæra ab oriente, & eclyptica contentus diuersificatur: quia rectus aliquando, interdū obliquus, obtrusus scilicet, & acutus magis, ac minus uterque fit. Diuiditur autem uterque ortus, atque occasus, cosmicus uidelicet, & achronicus in rectum, & obliquum, seu tortuosum. Signum zodiaci primi mobilis, recte oritur, quando supra orientē emergens mittit initium suum uersus septentrionem, oblique vero seu tortuose oritur, quando supra orientem ascendens mittit initium suum uersus austrum, & cum recte oritur, minor pars ipsius signi ascendit supra ori-

zontem, quàm sit pars æquatoris simul cū  
 eo ascendentis, hoc est pauciores gradus  
 eclypticæ primi mobilis ascendunt simul  
 cum pluribus gradibus æquatoris cum eo  
 signo ascendentis, sed quando obliquæ o-  
 ritur plures gradus ipsius signi ascendunt  
 simul cum paucioribus gradibus æquino-  
 ctialis. Recte autem occidit signum primi  
 mobilis, quando infra orizontem descen-  
 dens extrema sui pars septentrionē respi-  
 cit & pauciores gradus ipsius eclypticæ cū  
 pluribus gradibus æquatoris descendunt  
 simul infra orizontem. Obliquæ autem oc-  
 cidit siue descendit signum primi mobilis  
 sub orizontem quando ultima sui pars ip-  
 sius descendens respicit austrū & tunc plu-  
 res gradus zodiaci cum paucioribus æqui-  
 noctialis simul cum eo descendunt infra  
 orizontem, Idem intelligendum est de ima-  
 gine cœlesti & de unaquaq; Cœli parte.

De ortu, & occasu signorū in sphæra recta.

**Q**uarta Zodiaci inchoatæ à quatuor  
 punctis, cancri & capricorni, ab A.

riete & Libra primi mobilis, adæquantur  
suis ascensionibus, idest quâtum temporis  
cōsumit quarta Zodiaci p.m. in suo ascēsu,  
in tâto tpe quarta æquinoctialis illi con-  
terminalis simul ascendit. partes tamen illa-  
rum quartarum nō æqualiter, sed inæqua-  
liter ascendunt, quod sic manifestum est.  
Sumatur quarta pars Zodiaci, quæ est à  
principio Arietis primi mobilis usque ad  
finem Geminorum, semper maior pars de  
quarta eclypticæ supra, iam ascendit, quâ  
de quarta æquinoctialis sibi conterminalis;  
& tamen illæ duæ quartæ, eclypticæ, & æ-  
quinoctialis simul incipiunt oriri, & simul  
perortæ sūt. Idem intellige de quarta ecly-  
pticæ, quæ est à principio Libræ, usq; in  
finem Sagittarii. Item si sumatur quarta  
eclypticæ, quæ est à principio Cancrī, us-  
que in finem Virginis, semper maior pars  
oritur de æquinoctiali, quàm de quarta  
eclypticæ, illi conterminali, & tamen illæ  
duæ quartæ simul perortæ sunt. Idem in-  
tellige de quarta eclypticæ, quæ est à prin-  
cipio Capricorni, usque in finem Piscium.



Ex his manifestum est, hanc consequentiā nullam esse, isti duo Arcus, uidelicet quarta æquatoris, & quarta eclypticæ conterminalis ipsi equatori sunt æquales, & incipiunt simul oriri, & semper maior pars per orta est de una quarta, quam de reliqua, ergo illa quarta citius perorietur, cuius maior pars orta est. Instantia huius argumentationis manifesta est in partibus prædictarum quartarum. Causa huius in æqualis ascensionis inter partes zodiaci, & æquinoctialis, est obliquitas ipsius zodiaci, ex dictis igitur correllariè sequitur. Quilibet duo arcus eclypticæ primi mobilis æquales & e regione sibi oppositi, æquales habent ascensiones. patet etiam ex horum declaratione id, quod Lucanus libro nono dixit loquens de processu Catonis in Lybiam uersus æquinoctialem.

*Non obliqua meant, nec tauro rectior exit  
 Scorpheus, haud Aries donat sua tempora Libræ  
 Haud astrea iubet lentos descendere Pisces.  
 Par Geminis Chiron, & idem quod Carcinus ardens,  
 Humidus Aegoceros, nec plus Leo tollitur urna.*

Asserit enim Lucanus his carminibus,  
quod habitantibus sub æquinoctiali non  
inæqualiter sed æqualiter oriuntur, & occi-  
dunt signa opposita: oppositio autem si-  
gnorum habetur his uersibus.

*Est Lib Ari. Scor Tau. Sa Gemi.*

*Capri Can. A. Le. Pis Vir.*

### De ortu & occasu signorum in sphæra obliqua.

**D**Væ medietates Zodiaci, quæ sumun-  
tur à duobus punctis æquinoctiali-  
bus primi mobilis, adæquantur suis ascen-  
sionibus, quia utraque medietas, incipit  
oriri cum medietate æquatoris, sibi con-  
terminatiua, & secum simul perorta est, non  
tamen partes medietatis eclipticæ, cū tot  
partibus æquatoris oriuntur, sed ab Arietis  
principio, usq; in finem Virginis, semper plu-  
res partes eclipticæ, quàm sint partes æ-  
quatoris perortæ sunt supra orizontem, &  
econtra in alia medietate zodiaci, quæ est à  
principio Libræ usq; in finem Piscium, sem-  
per plus de æquatore, quàm de ecliptica

perortum est, nec tamen altera medietas, ut æquatoris, citius oritur, quàm altera zodiaci, illi conterminalis medietas, sed simul portæ sunt. Causa huiusmodi ascensionis inæqualitatis in partibus medietatū, est obliquitas zodiaci, & orizontis. Regula quidē est, in sphæra obliqua, q̄ duo arcus zodiaci æquales, & æqualiter distantes ab uno, & altero punctorum æquinoctialium in diuersas partes ab æquatore ad septentrionē & ad austrum, ut à principio Arietis, vsque in principium Tauri, & ab eodem Arietis initio repedatim, vsq; in principium Piscium; & similiter ab initio Libræ in diuersas partes, æquales habent ascensiones.

De comparatione ortus signorū in sphæra recta, ad ortus eorundem signorum in sphæra obliqua.

**A** Principio Arietis, vsq; in finem Virginis, arcus eclypticæ in sphæra obliqua minuunt ascensiones, super ascensiones eorundem arcuum in sphæra recta, quæ minor arcus æquinoctialis coascendit in



obliqua, cum illismet signis exclusiue, sed à principio libræ, vsq; in finem piscium, arcus zodiaci augent suas ascensiones in obliqua sphæra super eosdem arcus in sphæra recta, quia plus de æquinoctiali coascendit in obliqua, quàm in recta exclusiue, augent dico, secundum quantitatem tantam, quātam minuūt arcus ascendentes à principio Arietis vsq; in finem Virginis. Ex dictis apparet, quod duo arcus eclypticæ æquales, & oppositi è regione, in sphæra decliui, habent ascensiones suas iunctas, æquales ascensionibus eorundem arcuum, in sphæra recta simul sumptis, quā quāta est imminutio ex vna parte sphære obliquæ, super ascensiones sphære rectæ, tāta est acretio ex altera parte eclypticæ è regione in sphæra obliqua, super ascensiones in recta, licet arcus æquinoctialis, illis ascensionibus coascendentes, inter se sint inæquales.

In recta.

Zodiacus	Ari. g. 30.	Equator	g. 27. m. 54.
	Lib. g. 30.		g. 27. m. 54.
			g. 55. m. 48.
		d	2

Zodiacus	Ar. g. 30.	æquator	g. 14. m. 50.
	Lib. g. 30.		g. 40. m. 58.
			g. 55. m. 48.

Dies naturalis est tempus, quo totus æquinoc-  
tialis mouetur circa terram semel,  
cū tanto præterea tempore, quo, pars æ-  
quinoctialis correspondens eclypticæ  
parti, quam Sol suo proprio motu con-  
tra successione[m] signorum, eodem tē-  
pore pertransit, mouetur.

**A** Scensiones Arcus eclypticæ cum sint  
inæquales in utraq; sphaera, quia par-  
ticulæ æquinoctialis, quæ correspondent il-  
lis, partibus eclypticæ, quas singulis diebus  
Sol pertransit, inæquales sunt; & particulæ  
temporis correspondētes particulis motus  
æquinoctialis, erunt necessario inæquales,  
modo cum per additamentum illius tem-  
poris inæqualis super tempus ho. 24. (quo  
tēpore æquinoctialis totus voluitur circa  
terram) dies naturalis cōpleatur, illi natu-  
rales dies inæquales erunt; Causæ autē in-

æqualium additamentorū in sphæra recta  
duæ sunt, altera est, eccentricitas orbis So-  
lis (de qua in theoricis) reliqua est obliqui-  
tas zodiaci. In sphæra autem obliqua, tres  
sunt causæ inæqualitatis additamētorum;  
Eccentricitas Solis; obliquitas zodiaci, &  
obliquitas orizontis.

De diuersitate dierum artificialium,  
ac noctium generatim.

**S**OL à puncto brumæ, motu suo pprio,  
per Arietem, usq; ad punctum solstitii  
æstiu, & per motum primi mobilis, descri-  
bit 182. parallelos & dimidium, qui, & si ex-  
amusim, nō sint circuli, sed spiræ, seu am-  
phratus, cum tamen à circulis parum diffe-  
rant, & nullus sensibilis error in eis cerna-  
tur, vis aliqua nō constituatur, si circuli pa-  
ralleli appellentur, de quorū numero, sunt  
duo tropici, & æquinoctialis, totidemq; a-  
lios circulos describit Sol per eosdem mo-  
tus; proprium videlicet Solis, & primi mo-  
bilis à puncto solstitii æstinali, per Libram  
sq; ad punctum brumæ, & oēs isti 365. cir-



culi appellantur dierum naturalium, quorum arcus, qui sunt supra orizontem, sunt arcus dierum artificialium; illi verò arcus, qui sunt sub orizonte, sunt arcus noctium. Orizon spæræ rectæ diuidit omnes iam dictos circulos bifariam, vnde arcus dierum artificialium, qui sunt supra orizontem singuli, æquales sūt singulis arcibus sub orizonte conditis, qui arcus noctium sunt: in spæra igitur recta, ubicunq; sit Sol, semper dies artificiales æquantur noctibus sibi continuis. In spæra verò decliui, & obliqua, orizon obliquus diuidit solum æquinoctiale in duas partes æquales, vnde cū Sol fuerit in alterutro pūctorū æquinoctialiū, quæ æquinoctia fiunt in duab. sectionibus eclipticæ octauī orbis cum æquatore ppe caput Arietis & libræ primi mobilis arcus diei æquatur arcui noctis, & est æquinoctium in vniuersa terra: omnes verò alios circulos ab æquinoctiali versus septentrionē & versus austrum, diuidit orizon in partes inæquales, ita quòd in omnibus circulis, qui sunt ab æquinoctiali puncto, vsq; ad tropi-

etiam æstiuū inclusiue; maior est arcus diei, quam arcus noctis, id est arcus supra orizontem, quam arcus sub orizonte, unde in toto tempore, quo Sol mouetur à puncto æquinoctii vernalis per Cancrum, usque in punctum æquinoctii autumnalis, maiores sunt dies noctibus, & eo maiores, quo Sol accedit propius ad punctum solstitii æstiuo eoq; minores, quo Sol à solstitio æstiuo recedit ad brumam, conuerso modo dicendum est de dieb. & noctib. dum Sol repit per signa australia, quia minor est arcus circuli supra orizontem & maior infra, unde arcus diei est minor, quam arcus noctis, & secundum portionem arcuum, maiorantur, & minorantur dies, supra noctes artificiales: Quāto enim circuli sunt propinquiore tropico æstiuo circa eam crum primi mobilis, tanto maiores sunt arcus supra, & minores infra orizontem: quāto uero circuli sunt circulo brumæ propinquiore, arcus superiores, sunt arcubus inferioribus minores. Ex his sequitur, quod si sumantur duo circuli æqualiter distantes ab æquinoctiali ex parte borea, & ex parte au-

Strina, quantus est arcus diei in vno, tantus  
est arcus noctis in reliquo, & ob id videtur  
sequi, duos dies naturales esse æquales, & q  
quanta est dies artificialis in uno, tantam es  
se noctem artificialem alterius, & econuer  
so, sed hoc est quantum ad vulgi sensatio  
nem, stante orizōte obliquo fixo & immo  
bili, qui seccat illos circulos alternatim in  
partes æquales: Ratio tamē per ademptio  
nem ex proprio motu solis in obliquitate  
zodiaci, contra primum mobile, uerius di  
iudicat, propter inæqualitatem ortus recti  
in uno & obliqui in reliquo, sed si in utroq;  
loco sit idē & æqualis ortus aut rectus, uel  
utrobq; æqualis obliquus, tūc exacte, dies  
artificiales ex vna parte, est æqualis, nocti  
ex altera, & totus dies naturalis, ex parte v  
na, toti diei naturali ex parte altera æqualis  
Quāto. n. plus polus mūdi eleuatur supra  
orizontē, tātō sunt maiores dies nobis, quā  
do Sol est in signis septētrionalibus, sed cō  
uersum cōtingit, dum Sol in signis austra  
libus fuerit, minores enim tunc sunt dies  
supra noctes, & eo minores, quo Sol ad



brumam magis, ac magis accedit.

### Monitum.

**S**Ex signa, quæ sunt à principio Cancrī per Libram vsque in finem Sagitarii, habent ascensiones in sphæra obliqua maiores ascensionibus sex signorum, quæ sūt à principio Capricorni per Arietem vsque in finem Geminorum: vnde illa dicuntur recte oriri, hæc verò obliquè, vnde carmē.

*Recta meant, obliqua cadunt, à sydere Cancrī,*

*Donec finitur Chiron: sed cætera signa*

*Nascuntur prono, descendunt tramite recto.*

Ex his igitur clarè patet, q̄ quando est maxima dies in æstate iis, qui septētriones habitant, sex signa eis recte oriuntur in die artificiali, & sex obliquè in nocte illa sequēte, quæ minima noctium totius anni est, aliter & econuerso fit, quādo Sol est in principio Capricorni primi mobilis, tūc in die illa artificiali, sex signa obliquè oriuntur, reliqua sex in illa nocte sequenti recte oriuntur, & est maxima totius anni nox. Quā-

do verò fuerit Sol in principio Arietis & Libræ primi mobilis, tunc in artificiali die oriuntur tria signa rectè, & tria obliquè, pariterq; in nocte illa sequenti: est enim regula quancūq; dies, siue magna vel brevis fuerit, sex signa & non plura nec pauciora oriuntur in die artificiali, & sex alia in nocte, neq; propter prolixitatem diei, vel noctis, aut breuitatem, plura uel pauciora signa in vna die, quàm in alia, vel nocte vna, aut altera oriuntur. Ex his colligitur, cum hora zodiaci, inæqualis, vel planetarum, sit tempus, quò medietas signi oritur, in quolibet die artificiali, similiter & in nocte, sūt ho. 12. inæquales, iuxta ortum inæqualem illis xv gradibus correspondentem. In aliis autem omnibus circulis ab æquinociali; aut ad partem borei poli, vel ad partem austri, maiores aut minores sūt dies supra noctes, secundum quòd plura, vel pauciora signa oriuntur directè, vel obliquè in die, & in nocte illa sequenti.

*De diuersitate umbr.* 55.  
De diuersitate umbrarum, quæ sunt habi-  
tantibus sub æquatore.

**H** Abentibus Zenith in æquinoctiali,  
Sol bis in anno transit supra eorum  
capita, quādo est in puncto æquinoctii ver-  
nalis & autumnalis, & tunc habent duo al-  
ta solstitia, quia per eorū capita transit Sol,  
& duas habent etiam brumas, cum Sol fue-  
rit in puncto solstitii æstiuī, & in pūcto bru-  
mæ, quia tūc sol maxime remouetur à ze-  
nith eorum capitum. Vnde cum semper  
habeant æquinoctium, quatuor habebunt  
solstitia, duo alta, & duo ima, duas etiā ha-  
bebunt æstates; cum Sol in sectione æqua-  
toris cum ecliptica octauī orbis, ex parte  
Arietis, & ex parte Libræ primi mob. fue-  
rit, uel circa, & duas etiam habent hyemes,  
cum Sol fuerit in puncto solstitii æstiuī, &  
in puncto brumæ, prope cācri principium  
& capricorni primi mobilis. Vnde Alphra-  
ganus inquit, æstatem & hyemen nostram,  
esse illis vnus, & eiusdem æqualitatis, quo-  
niam duo tempora, quæ sunt nobis æstas,



& hyems, sunt illis sub æquatore degentibus, duæ hyemes. Ex his, Lucani uersuum patet expositio, libro 9.

*Deprehensum est hunc esse locum, quo circulus alti solstitii, medium signorum percutit orbem.*

Appellat Lucanus circulum alti solstitii, æquinoctialem, in quo contingunt duo alta solstitia, sub æquinoctiali existentibus, signorum orbem appellat zodiacum, quæ æquinoctialis circulus in duo media diuidit, Habent illi in anno, quatuor umbras rectas, & vnâ perpendicularem; quâdo Sol est in alterutro punctorum æquinoctialium, aut prope, umbra manet directe porrigitur versus occidentem, vesperi autem versus orientem directe protelatur: in meridie verò nullibi flectitur umbra, nisi infra plâtas pedum, cum verò Sol fuerit in signis septentrionalibus, in meridie vniuscuiusq; diei, umbra ad austrum directe inclinatur, sed cum Sol in signis australibus fuerit, umbra in meridie flectitur directe versus septentrionem, illis etiam supra orizontem Stellæ, quæ sunt iuxta polos oriuntur, & occi-

*De diuersitate umb. diex. et noct. 57*  
dunt, sicut & quibusdam aliis, circa æqui-  
noctialem habitantibus, unde Luc. libro 3.  
Tunc furor extremos mouit romanus hostes,  
Carmenosq; duces quorum iam flexus in austrum  
Aether, non totam mergi, tamen aspicit Arcton,  
Lucet & exigua ibi uelox nocte bootes,

Item Ouidius libro 1. tristium de stella  
illius imaginis.

*Tingitur oceano custos arimanthidos ursæ,  
Aequorea s'que suo sydere turbat aquas,*

In nostro autem tractu, illæ stellæ nun-  
quam occidunt, unde Verg. in Geor. 1.

*Hic uertex nobis semper sublimis, at illum  
Sub pedibus styx attra uidet, manesq; profundi,*

Et Lucanus libro 8.

*Axis in occiduus gemina clarissimus Arcton.*

Item Vergilius 1. Georgicorum.

*Arctos oceani metuentes æquore tingi.*

De diuersitate dierum ac noctium. & va-

rietate umbrarum, quæ fiunt, haben-

tibus zenith inter æquinoctia-

lem, & tropicum Cancr.

**H**ls quidem contingit solem bis transi-  
re per zenith caput eorum, ut si

intelligatur circulus parallelus æquinoctiali,transiens per zenith capitum eorum. ille enim circulus interseccabit eclypticam in duobus punctis æqualiter fere distantibus à principio Cancrī primi mob. Sol igitur per illa puncta discurrens, transit per eorum zenith, unde duas habent æstates, & duas hyemes., quatuor solstitia, & quatuor umbras, & in tali situ, est Arabia, unde Lucanus libro 3. loquens de Arabibus Romam uenientibus in auxilium Pompeio, dicit.

*Ignotum uobis Arabes uenistis in orbem,*

*Umbras mirati nemorum non ire sinistras.*

In suis autem partibus, habebant umbras dextras, sinistras & ad perpendiculum, orientales, atq; occidentales, sed cum primū trāsierunt tropicum Cancrī, Romam uersus, semper habebant umbras in meridie septentrionales. Habent uerò duas dies tantum æquales noctibus suis continuis, cū Sol fuerint punctis æquinoctialibus: cū uero Sol fuerit in signis septentrionalibus maiores habebunt dies noctibus, & cum



fuerit Sol in signis australibus, minores erunt illis dies supra noctes. Duas dies naturales etiam æquales habebunt, cum Sol fuerit in gradibus æqualiter distantibus à principio Arietis primi mob. in diuersas partes, & à principio Libræ in diuersas partes: & id contingit uniuersis septemprionē uersus habitantibus.

De diuersitate dierum & umbrarum,  
quæ fiunt habitantibus fere sub  
cancrum primi mobilis,

**T**otidem dies, æquales, & inæquales habent hi, sicut priores, præter id, quod dies aliquantulum maiores, noctesque minores habent, cum Sol in signis septentrionalibus fuerit, quod deinceps habitantibus magis ac magis uersus septentrionem contingit, è contrario contingit, cum Sol in austrinis signis fuerit; sed quando sol initium Cancri primi mobilis uel prope adierit, mane habebunt umbram occidentalem, uesper orientalem, in meridie nullam habent umbram inclinam, in

quo situ uel ppe est Syenes ciuitas, de qua  
Lucanus libro 2.

*Umbras nusquam fle etente Syene.*

Intelligitur in meridie illius diei, in reliquo autem tempore totius anni, semper habent in meridie umbram septentrionalem, nunquam autem australem.

De iisdem diuersitatibus, quæ fiunt habentibus zénith, inter tropicum æstiuum & arcticum circulum.

**S**OL nunquam transit per eorum capita, & iacitur semper umbra uersus septentrionem directæ in meridie; numquam tamen uersus austrum, qualis situs est noster in quo situ est Aethiopia citerior, & non illa magna, quæ in uastitatem torridæ zonæ porrigitur: de illa priori loquitur Lucanus lib. 3

*Aethiopumq; solum, quod non præmeretur ab ulla,  
Signiferi regione poli, ni poplite lapso,*

*Ultima curuati procederet ungula Tauri.*

Et aiunt habitatores illos, nigriores esse quàm habitâtes sub æquatore, uel propè,

ut sunt Bisfini populi, qui non nigri sed cinericii sunt: Ii enim propius accedunt ad æquatorem, quàm habitantes citra tropicum estiuum, Ptolameus tamen huic sententiæ de nigredine contrarius uidetur primo Geographiæ Capite 9, ob id dicendum, quod ibi incipiunt nigrescere & non ita nigri sunt, sicuti illi qui degunt in magna æthiopia.

De iisdem diuersitatibus, quæ contingunt habentibus zenith in circumferentia circuli arctici.

**P**olus zodiaci primi mobilis & nonæ sphaeræ. transit per zenith eorum capitum semel in vnaquaque die totius anni, & tunc habent eclypticam primi mobilis & nonæ sphaeræ pro orizonte, quia tunc illi duo circuli eclyptica scilicet & orizon flectuntur super se se, & paruo interueniente motu, illi circuli cum sint maiores, seccabunt se in duas æquales partes alternatim, unaq; medietas eclypticæ emergit supra orizontem cum parua parte æqua-



toris, & deprimitur sub horizonte cum toto reliquo æquatoris: è conuerso autem contingit de reliqua medietate: eritque illis, ut tropicus Cancrì primi mobilis solo puncto orizonte bis in septem millibus annorum contingat, & tunc diem unam artificialem habebunt, horarum 24. cum additamento, de quo dictum fuit, & noctem, dum Sol per contractum orizontis transierit: è conuerso de nocte dicendum est, cum Sol Capricorni principium p. mob. (quod bis similiter in septem millibus annorum contingit.) adierit: Dies uero alii, atque noctes fiunt illis, æquales Sole per puncta æquinoctia transeunte, & alibi inæquales minus, ac magis, ut aliis supra dictis, hominibus & regionibus. Vmbra pariter directam unam tantum habent semper septentrionalem, sicut quidam alii, citra tropicum æstiuum habitantes, de quibus dictum fuit: aduertendum tamen dies artificiales, hominibus, eundem parallelum habitantibus citra cancerum primi mobilis sunt maiores cum solstitium æstiuum septentrionalius fiet, & mi-

nores sunt iisdem hominibus cum solstitium æstiuum propius ad æquatorem fiet, quā circulus cæci primi mob. de quib. in theoricis

De his, quæ contingunt habentibus zenith in superficie circuli arctici.

**O**Rizon illorum seccat eclipticam in duobus punctis, æqualiter distantibus, fere à principio Cancræ, & Capricorni primi mob. & portio eclipticæ, intercepta inter illa duo puncta, semper manet supra orientem, & est dies una artificialis magna, vel brevis, secundum quod portio illa eclipticæ maior, uel minor fuerit: portio verò eiusdem eclipticæ, quæ sub horizonte conditur ex parte Capricorni, æqualis est priori, & sole in illa portione suo proprio motu discurrente, nox erit. In reliquis verò eclipticæ partibus primi mob. discurrente sole, dies variantur, ac noctes, secundum inæqualitatem arcuum supra orientem atque infra conditorum. æquinoctia etiam ipsi, duo habebunt. reliquorum verò signorum ab illis, quæ semper sunt supra orientem, & quæ

ſēper occultantur infra, aliqua uero p̄poſte  
re oriuntur. Vt ſi ſurſum ſint ſemper Gemi  
ni & Cancer, infra ſemper erunt Sagitarius  
atq; Capricornus, quatuor. n. alia p̄poſte  
re orientur, vt Taurus ante Arietem, Aries  
ante Piſces, Piſces ante Aquariū. Aquarius  
tamen prius piſcibus, & ſic deinceps recto  
ordine occident: reliqua verò quatuor oriē  
tur recto ordine, vt Leo ante Virginē, Vir  
go ante Libram, Libra ante Scorpionē, &  
tamen hæc ſigna p̄poſtere occidunt, ut  
Scorpius ante Libram, & ſic deinceps.

De his, quæ accidunt parti terræ vel aquæ,  
ſub polo Poſitæ.

**A** Equator ſecat eclipticā primi mob.  
in duas partes æquales, altera medie  
tas verſus ſeptentrionem declinat, reliqua  
verò verſus auſtrū; Sole diſcurrente à prin  
cipio Arietis primi mob. p̄ Cancrum, vſq;  
in finem Virginis, moratur 187. dies, & tūc  
plaga, ſub polo arctico, ſolaribus radiis il  
luſtratur, toto illo tempore, quo Sol medie  
tatē illā zodiaci percurrit, reliqua verò pla



ga, priori opposita, obscurum patitur, ab æquinoctio autumnali p solstitiū Ibernū Sole motu pprio pcurrente, vsq; in aliud æquinoctium, illustratur solarib. radiis pla ga sub polo antartico circa dies 178. p quos dies inferius hemisphœriū septentriona le videlicet, obscuratur, & noctem patitur: habent igitur habitantes sub polo mundi arctico, uel circa, diem vnam artificialē die rum nostrorum 187. noctem verò dierum 178. si verò crepusculum vnum matutinū atq; alterum vespertinum addatur diei ar tificiali cuiuslibet plagæ sub vtrolibet po lo, videbitur esse vtriq; plagæ ppetua dies, absq; obscura nocte, vel si nubilum tēpus diei, propter caliginem ob radios obliquos Solis eleuatam, addideris tempori noctur no, videbitur vtriq;, q̄ ibi sit perpetua nox, de qua quæstione, nil curæ sit habitantibus zonam temperatam.

De parallelis.

**C**irculum in superficie terræ imagina tum, directē suppositum æquinoctia li Cœlesti, alius circulus ab oriente in occi-

dentem, ductus per polum mundi arcticū  
seccat ad angulos rectos sphærales; hi duo  
circuli totam terram diuidunt in quatuor  
æquales quartas, quarū una temperatæ ha-  
bitationis est: illa quidē, quæ versus septē-  
trionem est, clausa à semicirculo ab orien-  
te per meridiem in occidentem, & alio se-  
micirculo, ducto ab oriente per polum mū-  
di arcticum in occidentē. Præter hanc quar-  
tam alia etiam pars habitabilis est, pars vi-  
delicet illius quartæ clausæ ab eodē semi-  
circulo ducto ab oriente sub æquinoctiali,  
per meridiem in occidentem, & alio semi-  
circulo, ducto ab oriente per antarcticum  
polum, in occidentem, quam habitabilem  
partem (vt Ptolameo per historias suo tē-  
pore recētiore notum fuit) terminat linea  
æquidistās æquinoctiali, versus meridiem  
gr. 16. m. 25. stadiis verò 8200. fermè, p præ-  
sum promontorium, & Agisimbam regio-  
nem ducta. Sub æquinoctiali temperata,  
& experientia his temporibus, Anno Na-  
talis Domini Saluatoris mundi Iesu Chri-  
sti 1570. manifestum est, quia in punctis

æquinoctialibus super eorum uerticem quando in illis est Sol non immoratur super terram in die artificiali, nisi spacio horarum æquinoctialium 12 : & totidem horas absconditur sub terra, & tunc humida nox, sua frigiditate temperat solum; in die, radiorum Solis fractione calefactum, & quoniā uelociter discedit ab illis sol, aut uersus septentrionē, aut uersus austrum, & ita Aestates illæ duæ, quas habēt, temperatæ sūt, neque multū in solstitiis distat ab eis Sol, quare etiam leuissimas habent hyemes.

Secundus parallelus, in quo maximus dies, horarum æquinoctialium est 12. m. 15. hic ab æquinoctiali. g. 4. m. 5. distat, & describitur per insulā Taprobanē 12. 12. Asiæ.

Tertius, ubi dies maxima est hor. 12. m. 30. hic g. 8. m. 25. ab æquatore distat: describitur autem p sinū aualitum tab. 4. Africæ.

Quartus in quo maximus dies est hor. 12. m. 45. hic distat ab æquinoctiali g. 12. m. 30. & describitur per sinū aduliticū tab. 4. Afr.

Quintus, sub quo maximus dies est ho. 13. hic ab æquinoctiali g. 16. m. 27. distat, & de-



noctiali distat, & describitur per Rhodum  
tab.i. Asiæ.

Duodecimus est parallelus, in quo 14. 45  
maximus dies est æquinoctialium horarū  
& minutorum, distatq; ab æquinoctiali g.  
38. m. 35. & describitur per Smyrnem & mō  
tem Taurum tab.i. Asiæ.

Tredecimus est, qui habet maximā diem Clim  
horarum 15. & ab æquinoctiali est distās g.  
40. m. 56. & describitur per Helespontum  
& Romam tab.i. Asiæ.

Quartusdecimus habet ho. 15. m. 15. in  
maxima die anni, & procul est ab æquino-  
ctiali g. 43. m. 5. & describitur per Masiliam  
alias Nicœa Masiliensium tab. 3. Europæ.

Quintusdecimus parallelus est diei ma-  
gnitudinis maxime ho. 15. m. 30. & describi  
tur per medium Pontū & Venetiārū ciuit-  
tatē omnibus admirandam tab. 9. Europæ.

Sextusdecimus est parallelus sub quo  
maximus dies est ho. 15. m. 45. & ab æqua-  
tore hic distat g. 46. m. 51. & describitur p  
Danubii amnis fontes tab. 9. Europæ.

Decimus septimus est, vbi maxima est Clim

70 — *Liber tertius Petri Catena*  
dies ho. 16. distatq; ab æquatore, g. 48. m. 32  
& describitur per Ostia Borysthenis fluii  
Tab. 9. Europæ.

Decimus octauus parallelus est, vbi dies  
maxima est ho. 16. m. 15. distansq; est ab æq-  
noctiali g. 50. & describitur per mediã meo-  
tida paludem, ta. 8. Europæ.

Decimus nonus est, in quo maximus dies  
est ho. 16. m. 30. hic ab æquinoctiali distat g.  
51. m. 35. & describitur p. australissima Bri-  
taniæ ta. 1. Europæ.

Vigésimus est parallelus, in quo maxi-  
mus dies est hor. 16. m. 45. hic distat ab æ-  
quinoctiali g. 52. m. 50. & describitur per  
Rheni fluii ostia tab. 3. Europæ.

Vigésimus primus est ubi maximus di-  
es est hor. 17. ab æquinoctiali hic distat g. 54  
m. 1. & describitur per Tanaidos fluii ostia  
tab. 8. Europæ.

Vigésimus secundus parallelus est, in quo  
maximus dies est ho. 17. m. 15. iste ab æqua-  
tore distat g. 55. & describitur per Ocelum  
promontorium citra Brigantes magnæ Bri-  
taniæ, tab. 1. Europæ.

Vigésimus tertius est parallelus, ubi maximus dies est hor. 17. m. 30. distatq; ab æquinoctiali g. 56. & describitur per mediã Britaniã magnã & eboracum tab. 1. Eur.

Vigésimus quartus est parallelus, sub quo maximus dies est hor. 17. m. 45. ab æquinoctiali distans g. 57. & describitur per cæturactorium Britaniæ tab. 1. Europæ.

Vigésimus quintus parallelus est, ubi maximus dies est hor. 18. & distat ab æquinoctiali g. 58. & describitur p. parvæ Britaniæ australia, quæ Scotia dicitur & Itunam & æstuarium tab. 1. Eur. & p. Ripheos mōtes Tab. octaua Eur.

Clima

Vigésimus sextus parallelus est, ubi maximus dies est hor. 18. m. 30. distat & hic ab æquinoctiali gr. 59. m. 30. & describitur per mediã Britaniã parvã & cadmos t. 1. Eur.

Ultra  
Clima

Vigésimus septimus, ubi dies maxima est hor. 19. ab æquinoctiali g. 61. transit per borealia parvæ Britaniæ tab. 1. Europæ.

Vigésimus octauus, cuius dies maxima est hor. 19. m. 30. ab æquinoctiali g. 62. distans & describitur per insulas Ebudas ta. 1. Eur.



Vigessimus octauus, dies hor. 20. habet,  
distat ab æquinoctiali g. 63. & describitur p  
Thylem insulam Tab. 1. Eur. 27. g. 11. 11. 11.

Vigessimus nonus est ho. 21. distantia ve  
rò ab æquinoctiali g. 64. m. 30. describitur  
per Scythicas gentes ignoras tab. 7. Asiae.

Vbi maximus dies est ho. 22. ille paralle  
lus ab æquinoctiali distat g. 65. m. 30.

Vbi maximus dies est ho. 23. ille paralle  
lus distat ab æquatore g. 66.

Vbi est ho. 24. ille distat ab æquinoctia  
li g. 68. m. 40. hic primus est parallelus Pe  
risiorum, qui Circumbratiles sunt dicti,  
ob id, quia Sol circa eorum hemisphœriū  
voluitur & mittitur vmbra circumquaque  
hemispherium.

Vbi polus borealis eleuatur supra ori  
zontē plus g. 66. m. 9. ibi eclyptica secatur  
ab horizonte, & portio illa eclypticæ inter  
cepta à duobus punctis æqualiter distanti  
bus à principio Cancris primi mobilis, sē  
per manet supra horizontem, & quandiu  
Sol per illam transferit, erit dies una artifi  
cialis magna, uel breuis, secundum quòd

illa portio fuerit maior, & alia portio eclypticæ ex parte Capricorni semper erit sub horizonte condita, & tunc nox una durabit quandiu Sol suo motu illam portionem transferit, ut si orizon eclypticam seccuerit. in duobus punctis, quorum uterque g. 15 distiterit à principio Cancrī, tūc dies una artificialis erit unius mensis, dierū triginta.

Vbi eleuatio poli g. 69. m. 30. sectio fiet ex utraq; parte initii Cancrī g. 30. ut duorum propè mensium, maximus dies fiat.

Vbi eleuatio poli g. 73. m. 20. ibi ex utraque parte cancrī g. 45. ita ut maximus dies Perisciorum sit trium mensium,

Vbi eleuatio poli g. 78. m. 20. ibi ex utraque cancrī parte g. 60. dies maxima, quatuor mensium erit.

Vbi eleuatio poli g. 84. ibi ex utraque cancrī parte g. 75. quinque mensium maxima dies erit.

Vbi polus g. 90. eleuatur, orizon in æquinoctialem euadit, & medietas signiferi supra, reliqua infra, ita ut una dies naturalis, sit unius anni spacium.

## Caput quartum de eclypsi Lunæ.

**S**olis decursus est semper in periphæria  
 cuiusdam imaginati circuli, quæ sem-  
 per est sub eclyptica octauæ orbis: cursus  
 uerò Lunæ ad utranque illius eclypticæ  
 partem declinat: si duo circuli, per quos  
 Sol, & Luna sub zodiaco octauæ orbis per-  
 currunt, interfecant se inuicē in duobus  
 punctis: altera intersectio per quam Luna





ab austrò in boreas transit, Draconis caput appellatur: reliqua uerò sectio, per quam à borea in austrum tendit, cauda Draconis dicitur, figura uerò quam faciunt circuli secantes se adinuicem draco nominatur: quando igitur Sol suo motu ad unam illarum sectionum adierit, & Luna eo tempore in altera, contingit eclypsis Lunæ: id autem fit circa plenilunium, cum terra tunc interponatur inter Solem & Lunam diametraliter, Sed dum uterq; Sol, & Luna simul in capite, uel simul in cauda fuerit, tunc Solis eclypsis accidit, quia Luna intercipitur inter aspectum sub æquatore habitantium & corpus solare, & obumbratur claritas Solis tota: non tamen obumbrabitur tunc eius tota claritas habitantibus septentrionē, aut austrum uersus habitantibus, sed cum interponitur Luna diametraliter inter aspectum & corpus solare, fit eclypsis Solis, quæ contingit in coniunctione uisibili. Luna igitur dum eclypsat, eo tempore patitur menstruum & lumen de se non præbet, sed eo tempore quo eclypsat Sol, laborat, nō

tamen luce deficit sicut Luna, unde Verg.  
lib.2. Georg. inquit, Defectus Lunæ uarios  
Solisq; labores. Patet etiam quod in pas-  
sione domini nostri, non fuit eclipsis utrius-  
que, cum esset plenilunium, sed admirabi-  
lis Deus impediuit utriusq; & Solis & Lu-  
næ claritatem, ob Iesu Christi Saluatoris  
nostri lachrymabilem & nobis salutiferam  
passionem.

F I N I S.

Habita facultate R. Inq.

Expensis & diligenti cura Petri Catena au-  
toris, Prælis Laurentii Pasquati. Paduæ.

Tabula.

Definitio sphere q. astronomici ustrum e fol. 1.  
Mundi diuisio fol. 2.  
Cælum primum q. decimum e ab oriente in  
occidentem mouetur circulariter fol. 5.  
Cælum e rotundum fol. 6.

Terra 5.